



Adresa: **Ul. Hmdije Čemerlića 39a**  
71000 Sarajevo  
<http://www.voda.ba>

tel. +387 33 726-444; 726-400  
fax. +387 33 726-414  
e – mail: [info@voda.ba](mailto:info@voda.ba)

Broj: UP-I-25-1-40-321-4/12

Datum: 03.09.2012. godine

«Agencija za vodno područje rijeke Save» Sarajevo rješavajući po zahtjevu Investitora «MAOMEX» d.o.o. Hadžići u postupku izdavanja prethodne vodne saglasnosti za ispuštanje tehnoloških otpadnih voda poslovnog objekta za proizvodnju građevinske stolarije i elemenata, na osnovu člana 121. stav 3. Zakona o vodama («Službene novine Federacije BiH», br.70/06), a u vezi sa članom 67. stav 2. Zakona o upravnom postupku («Službene novine Federacije BiH, broj2/98, 48/99 »), donosi

### ZAKLJUČAK

Odbacuje se zahtjev podnesen od strane Investitora «MAOMEX» d.o.o. Hadžići za izdavanje prethodne vodne saglasnosti za ispuštanje tehnoloških otpadnih voda poslovnog objekta za proizvodnju građevinske stolarije i elemenata, zbog nepotpunosti dokumentacije i smatra se kao da nije ni podnesen.

### Obrazloženje

Dana 05.06.2012. godine dostavljen je zahtjev Investitora «MAOMEX» d.o.o. Hadžići za izdavanje prethodne vodne saglasnosti za ispuštanje tehnoloških otpadnih voda poslovnog objekta za proizvodnju građevinske stolarije i elemenata.

Uvidom u dostavljenu dokumentaciju utvrđeno je da ovaj organ nije mogao postupiti po podnesenom zahtjevu, obzirom da je isti imao nedostatke koji su sprječavali postupanje organa, odnosno nije ispunjavao uvjete i kriterije propisane podzakonskim propisom iz člana 120. stav 6. Zakona o vodama («Službene novine F BiH», broj 70/06).

Obzirom da organ nije mogao postupiti po podnesenom zahtjevu, dopisom broj UP-I/25-1-40-321-2/12 od 18.06.2012. godine, zatraženo je od podnosioca zahtjeva da dokumentaciju upotpuni slijedećim dokumentima:

- **Studiju** izrađenu od strane pravnog lica registrovanog za poslove projektovanja koje ispunjava uslove i kriterije propisane podzakonskim propisom iz člana 120. stav 6. Zakona o vodama (ovlaštenog od strane Federalnog ministarstva poljoprivrede, vodoprivrede i šumarstva) ili izvod iz postojeće projektne dokumentacije iz koje se može sagledati namjera/način prikupljanja, tretmana i ispuštanja tehnoloških otpadnih voda sa saobraćajnih i manipulativnih površina, koje se nalaze unutar granica posjeda korisnika.

Dana 22.07.2012. Investitor je zatražio produženje roka za dopunu podneska, čime mu je odobren novi rok za dostavu dopune zaključno sa 23.08.2012.godine.

Kako podnosioc zahtjeva nije dopunio svoj zahtjev do datoga roka, odnosno do 23.08.2012. godine, niti je izvjestio ovaj organ o razlozima nepostupanja po dostavljenoj pismenoj obavjesti, to je u skladu sa odredbama člana 121. stav 3. Zakona o vodama («Službene novine Federacije BiH» broj 70/06) i člana 67. stav 2.

Zakona o upravnom postupku («Sužbene novine Federacije BiH» broj 2/98, 48/99) rješeno kao u dispozitivu ovog zaključka.

**POUKA O PRAVNOM LIJEKU:**

Protiv ovog zaključka može se izjaviti posebna žalba Federalnom ministarstvu poljoprivrede, vodoprivrede i šumarstva – Sarajevo, u roku od 15 (petnaest) dana od dana prijema ovog rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

**Obrađivač akta**

**Aida Bezdob, dipl.ing.građ.**

**Po ovlaštenju**

**Rukovodilac sektora za  
izdavanje vodnih akata**

---

**Nedžad Vilić, dipl.inž.građ.**

Dostaviti:

- «MAOMEX» d.o.o. Hadžići  
Binježevo bb, 71240 Hadžići
- FU za insp. poslove, vodna inspekcija,
- AVP Sava, ISV-vodna knjiga,
- Org.jed. 40 - arhiva